



Broj: 07-3644/23

Datum: 19.10.2023.godine

Na osnovu člana 70. stav (1) i (4), a u vezi sa članom 69. stav (1), tačka b) i stav (2) tačka d) Zakona o javnim nabavkama ("Službeni glasnik BiH", br. 39/14 i 59/22), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/19), a na preporuku Komisije za javnu nabavku po Zapisniku o pregledu i ocjeni ponuda broj: 07-3644/23 od 11.10.2023. godine, Gradonačelnik donosi:

ODLUKU **o poništenju postupka javne nabavke**

Član 1.

Poništava se postupak javne nabavke novog putničkog motornog vozila za potrebe gradske uprave Srebrenik, objavljen na Portalu javnih nabavki, obavještenje o nabavci broj: 761-1-1-45-3-58/23 od 21.09.2023. godine i sažetak Obavještenja o nabavci, objavljen u „Službenom glasniku BiH“ broj: 67/23 od 29.09.2023. godine, **jer primljena ponuda nije prihvatljiva.**

Član 2.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.srebrenik.ba.

Član 3.

Ova odluka stupa na snagu danom donošenja i dostavlja se ponuđaču koji su učestvovali u postupku javne nabavke, saglasno članu 71. stav (2) Zakona o javnim nabavkama.

O b r a z l o ž e n j e

Odlukom o pokretanju postupka javne nabavke novog putničkog motornog vozila za potrebe gradske uprave Srebrenik broj: 07-3644/23 od 21.09.2023. godine, pokrenut je postupak nabavke predmetne usluge.

Javna nabavka je provedena putem otvorenog postupka, a kriterij za dodjelu ugovora je najniža cijena. Procijenjena vrijednost nabavke iznosi 51.282,05 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 21.09.2023.godine pod brojem 761-1-1-45-3-58/23 i sažetak obavještenja o nabavci, objavljen u „Službenom glasniku BiH“ broj: 67/23 od 29.09.2023 godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda blagovremeno je dostavljena samo ponuda ponuđača "NIPEX" d.o.o. Srebrenik.



Slijedom navedenog, Komisija je u okviru svojih nadležnosti i ovlaštenja provela postupak i sačinila Zapisnik o pregledu i ocjeni ponuda, te konstatovala da primljena ponuda nije prihvatljiva i ocijenjena je kao nepravilna, iz razloga što nije u skladu sa tenderskom dokumentacijom.

Ponuda ponuđača „NIPEX“ d.o.o. Ljepunice odbačena je jer:

- ne ispunjava uslov zahtjevan u Tehničkoj specifikaciji (prilog Obrascu za cijenu ponude – Prilog III), gdje se u minimalnoj opremi vozila zahtijevala između ostalog i Kamera za vožnju unazad, sa prikazom na displeju. U ponudi, na stranici br. 8, ponuđač je prekrizio navedenu stavku te sa strane napisao zabilješku da: „*ponudeno vozilo ne posjeduje kameru posjeduje parking senzore naprijed/nazad/ sa vizuelnim i zvučnim prikazom*“.

Nakon izvršenog pregleda i ocjene ponuda, Komisija je dostavila Gradonačelniku Zapisnik o pregledu i ocjeni ponuda, broj: 07-3644/23 od 11.10.2023. godine sa preporukom za donošenje odluke o poništenju postupka za predmetnu nabavku.

U postupku donošenja ove Odluke, posebno su cijenjene činjenice, da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, a u skladu sa Zakonom o javnim nabavkama i podzakonskim aktima

Obzirom da primljena ponuda nije prihvatljiva, ispunjeni su uvjeti za poništenje predmetnog postupka javne nabavke, u skladu sa članom 69.stav (2) tačka d) Zakona o javnim nabavkama, pa je odlučeno kao u dipozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču,
2. Evidenciji,
3. Arhivi

